

欽定平定教匪紀略

欽定平定教匪紀畧卷十一

十月十三日

丙午

溫承惠高杞馬瑜楊遇春奏言

竊臣溫承惠前在濬縣途次剿賊得勝之後嗣

復探得開州與滑濬兩縣接壤村莊處處有賊

竄伏或百十成羣或三五百不等若不將此零

星之賊先爲殲除必致受其牽制隨於初五六

七等日與馬瑜等督率官兵將附近各村伏匪

隨路剿捕擒殺甚多逃散者亦復不少初八日  
行抵濬縣與臣高杞會合確探現在大股賊匪  
屯聚滑縣城內及桃源集道口三處爲數甚衆  
查道口係濬滑屯糧大鎮西通懷慶迤邐聯接  
太行爲河南糧運大道時有賊探往來現據獲  
賊供稱懷慶一府北倚太行南阻黃河出產硝  
磺鐵器其地可守可戰該賊目久已窺伺欲圖

據險負岫道口之西有運河一道河西各村俱  
有賊蹤潛伏近日賊匪搶船紮筏意在入山必  
須將西岸先行肅清絕其奔竄之路實爲目前  
要著<sub>臣</sub>等正在會商堵剿適<sub>臣</sub>楊遇春亦於初  
八日趕到再四熟籌亦以防守西路爲急<sub>臣</sub>溫  
承惠高杞同楊遇春馬瑜卽於初九日帶領格  
布舍富蘭及巴圖魯侍衛等由河西進兵距道

日五六里卽有賊匪手執白旗率衆向前抗拒

臣等親率步隊鎗矛並舉殺賊甚多該匪不能

抵敵向東南奔竄臣等督率馬隊分路兜剿該

匪無路可奔俱入河中淹斃復派將弁分往各

村將竄伏餘匪悉數殲除統計殺賊六七百名

淹斃無數奪獲器械甚多生擒七十餘名當卽

正法河西俱已肅清遂督兵馳至道口該處賊

匪正在東岸排留意欲渡河接應西岸之賊官兵隔河施放鎗礮擊斃數十人餘匪退回堅守當派勇敢弁兵浮水前赴東岸將船筏奪回燒燬查得楊遇春所帶千總李洪春外委柯玉殺賊陣亡其餘兵丁亦間有受傷俟查明咨部照例請卹臣等本擬初十日再回河東進剿道口緣目下大股之賊分屯三處聲勢聯絡必得分

兵堵截滑縣桃源兩處接應之賊方可攻打道  
口現在兵力未厚一經分撥尤爲單薄若祇就  
現在兵力進剿亦可得獲勝仗但不能將三路  
之賊一鼓殲除尚於全局無益莫若稍養兵力  
一俟大兵會齊四路兜剿臣溫承惠現接那彥  
成來信初十日准抵衛輝奉

旨接受

欽差關防囑令格布舍富蘭送往當於初十日敬謹  
送往交代合併陳明

同日章煦奏言據署長垣縣周克家稟報縣屬  
東北呂村寺黃家村有賊焚劫在南岳集盤踞  
又滑縣丁樂集聚賊千餘人窺伺該縣東北一  
帶村莊又東南關長村有賊二三百人騎馬二  
十餘匹沿途劫掠據東明縣朱煒稟報東省曹

定一帶賊匪前赴滑縣勾連滋擾賊頭七當家等二十餘人由滑縣折回竄入縣境武邱集轉至齊王集仍歸舊巢韓家大廟等處其開州屬井店六村等處被滑縣賊匪佔據殺害多人道途阻隔勢甚猖獗又據南樂縣徐潤探報官兵紮營井店鎮初七日移至濬縣城外與河南兵合營會剿初八日午刻賊匪用礮攻打井店鎮

已失查井店在開濟滑居中之所係開州南通  
大營要路此地一失糧草難行並有進攻開州  
謠言各等語臣查開州長垣東明與豫省濟滑  
一帶處處毗連山東賊匪經撫臣同興等痛剿  
後亦恐紛紛竄至直豫交界地方乘虛而入若  
不先將直境散處之賊搜捕淨盡深恐腹背受  
敵現在溫承惠駐劄濟縣不能兼顧請

勅下溫承惠酌派將領量分直隸征兵迅速回赴大名一帶肅清本境後路不使賊匪四處勾結實爲急務均奏入

上諭內閣曰逆賊林清滋事一案溫承惠係直隸總督順天府所屬地方皆其所轄且在任年久乃於該逆傳習邪教煽惑多人八年之久並不及早查拏以至奸匪糾衆謀逆昨九月十五日竟敢潛布

黨與直犯禁門並欲於蹕途伺劫雖其謀因兵衛森嚴而止而禁城則已有匪徒闖入幸荷

天恩垂佑首惡伏法餘黨悉誅而河南山東潯滑曹定

滋事亂民悉由該逆佈散謠言同期造反至今餘孽未淨從前山東逆匪王倫滋事之案亦因倡興白蓮邪教而起巡撫徐績因此獲咎然王倫於三十九年秋間滋事而其倡興邪教卽在是年春間

爲日尚淺林清則於嘉慶十一年業已傳教至今  
有八年之久溫承惠不能訪聞破案其咎本重適  
前月先聞河南滑縣及直隸長垣滋事之信朕因  
溫承惠同興俱係本省督撫因各派其帶兵剿賊  
俾令自贖旬日以來同興訪出大逆林清馳奏方  
能擒賊靖亂此功甚偉進兵奮勉連次奏捷是以  
恕其失察之咎并加恩給予議敘溫承惠帶兵由

保定前赴大名行走已覺濡滯本月初三日在滑縣留固村等處剿賊一次初八日又在濬縣道口一帶得有勝仗然兩次殲賊千有餘名賊勢尚未窮蹙且直隸本境內如開州長垣東明等處亦尚未搜剿淨盡其籌畫不周之咎更無可辭溫承惠著革去總督拔去花翎賞給五品職銜責令辦理那彥成一路軍營糧餉以示薄懲如不知懼知感

再有貽誤著那彥成嚴叅拏問治罪如辦理奮勉將來軍務告蒞時著那彥成奏明再行酌量錄用其直隸總督員缺著那彥成補授那彥成未到任之前仍著章煦署理

上命軍機大臣傳諭那彥成曰本日據溫承惠等奏豫省大股賊匪現在屯聚滑縣城內及桃源集道口三處爲數甚衆官兵進攻亦未能大加剿戮那

彥成已接受欽差大臣關防當統籌全局迅速剿辦該匪現在分屯三處聲勢聯絡勢如犄角若一路進兵賊必兩路來援我兵轉被其牽制那彥成務審度機宜如先剿道口桃源之賊亦必將滑城來援之路斷絕并當分兵守禦不可令其由城內突圍而遁俟道口桃源之賊剿淨則滑城正如釜魚阱獸可以聚而殲旃現據章煦奏稱直隸開州

長垣東明一帶村莊時有賊匪出沒焚劫並有屯聚一二千人之處該處係濬滑軍營後路賊匪未能肅清我軍前進恐有腹背受敵之虞且該匪等若被豫東二省剿殺情急向北奔竄大名一帶並無重兵堵禦更爲可慮已降旨諭知馬瑜富蘭令其帶領直隸兵二千名繞道赴開州長垣東明一帶將該處匪徒就地擒捕由北向南逼剿著那彥

成酌派巴圖魯侍衛數人隨同馬瑜等前往協剿  
其健銳火器管官兵於路過直隸亦令其先與馬  
瑜等會合先由直境進剿該督所調陝甘各路官  
兵此時曾否到齊現在豫省賊勢尚未少挫當將  
大股屯聚之賊殲洗一二處使賊衆喪膽則迅風  
掃蕩成功自計日可待也

上又命軍機大臣傳諭馬瑜富蘭曰現在開州長垣

東明一帶賊勢蔓延直豫大兵俱聚於澹滑界內  
賊股數處轉在我兵之後大名以北又無重兵駐  
守不特軍營後路空虛倘賊匪被剿北竄尤不可  
不預爲防範馬瑜現任直隸提督富蘭曾任正定  
總兵該省情形較爲熟悉著馬瑜富蘭二人卽帶  
同巴圖魯侍衛數人率領直隸官兵二千名由澹  
縣繞道速赴開州以北將開州東明長垣三處邊

界之賊逐一搜捕總當由北向南步步進剿不必  
長驅直入務期殲捕淨盡勿留餘孽昨令慶祥等  
帶領健銳火器兩營官兵各五百名分作四起前  
赴豫省軍營著馬瑜富蘭於慶祥等所押各起官  
兵路過大名時卽傳旨令其先在該提督軍營剿  
捕直隸邊境賊匪俟直境肅清後再赴豫省軍營  
總以顧住北面勿使賊匪散竄爲要此路剿賊機

宜專責成馬瑜富蘭二人其奏報之摺卽著馬瑜  
富蘭聯名具奏毋庸再與欽差大臣會銜俾得迅  
速馳達以慰厯注

上又命軍機大臣傳諭同興曰本日據章煦奏開州  
長垣東明各處零匪肆出焚掠溫承惠駐紮濬縣  
不能兼顧必須先爲搜捕淨盡等語現已降旨將  
溫承惠革去總督特派馬瑜富蘭等帶兵由濬縣

繞道至開州東明長垣一帶搜剿昨據同興奏東  
省連得勝仗大股賊巢俱經攻克其零星賊匪仍  
須搜捕著同興酌量情形如本省賊匪全數辦淨  
可保無虞卽派蘇爾慎同巴圖魯侍衛等酌帶弁  
兵繞道前赴大名與馬瑜富蘭等會合自北向南  
搜剿蘇爾慎切不可由東省徑赴滑縣轉將賊匪  
逼入直隸境內同興仍督同劉清馬建紀等在本

境各要隘嚴兵備禦現在那彥成已抵河南軍營  
倘賊匪被直隸河南官兵攻剿仍向東南竄逸該  
撫務督率弁兵迎頭截擊勿使四散竄逸爲要

同日喜明松寧奏言

臣等欽奉

諭旨挑備官兵赴豫協剿當派副都統色爾滾帶領  
阿勒楚喀兵二百五十名吉林協領舒爾哈善  
等帶領吉林兵二百五十名共五百名作爲頭

起又派副都統德寧阿帶領寧古塔兵二百五十名吉林協領和福等帶領吉林兵二百五十名共五百名作爲二起均騎本處馬匹於初八日先後起程沿途趕緊行走不致遲誤

同日穆克登布額勒金泰奏言竊臣等挑備西安馬隊一千名除前此交富僧德帶領五百名赴豫外茲復接那彥成來咨以豫省兵力單弱

金史卷一百一十一 卷一百一十一  
今將前此留存馬隊五百名一併趕赴軍營當  
派協領呼嵩額等官十六員管帶馬隊兵五百  
名星馳前往均奏入報

聞

十月十四日

打百齡烏爾卿額奏言竊

臣百齡

探聞近日東豫二省官兵與賊接仗俱有斬獲  
恐匪徒窮蹙鋌走四散奔逃當飭各營卡鎮將

等隨時盤緝旋據差往探賊之千總周祐在鉅  
野縣葛家莊地方拏獲匪徒高中立等七名奪  
獲乾字號白布旗一面又外委唐士俊帶兵在  
城武縣五盤寺地方拏獲匪徒陳剛等六名均  
就近交縣審辦又據總兵沈洪呈報該鎮已由  
單縣取道城武定陶斜趨曹縣隨剿隨堵相機  
前進伏思此時該鎮所帶之兵旣已出境江境

地廣兵單恐不足恃而礪山南岸之楊家集至

豫省虞城一帶尤爲緊要臣百齡先經派令將

備帶兵五百五十名駐守該處以爲商邱劉家

口接應尚乏統率大員現在檄調狼山鎮總兵

尚維侗未至適提臣烏爾卿額趕到當與臣百

齡彼此商定臣烏爾卿額卽前往楊家集督率

駐守並派員赴虞城地界扼要堵禦臣烏爾卿

額所帶官兵一千名俟趕緊催齊卽分添楊家  
集馬良集兩處遇有緩急隨時歸併一路使聲  
勢互相聯絡此外尙有臣百齡挑備之提標官  
兵二千名檄調一千名赴邊分撥足資捍禦而  
壯聲威其安省鳳潁一帶現在撫臣胡克家督  
率防範尙稱寧謐奏入

上命軍機大臣傳諭百齡曰百齡等奏連日捕獲賊

匪並撥兵嚴守要隘情形覽奏俱悉據該督奏稱  
差弁拏獲匪犯高中立等七名奪獲乾字號白布  
旗一面等語前據逆首林清供稱該犯等八卦教  
內乾卦頭目係華姓在宣化府地方已降旨飭拏  
今該督所獲匪犯其白布旗上亦有乾字號是否  
該犯等卽係乾卦教內夥匪其華姓頭目現在是  
否在內抑或係該匪等另編八卦字號著百齡將

現獲各犯俱親提嚴訊切實根究不可假手地方  
官致有隱諱一經訊有確供一面具奏卽將該犯  
等正法至該督等會商分派鎮將率兵防守俱著  
照所奏辦理東南地方緊要現在黃河下游乾涸  
無險可據設該匪等被剿情亟亡命奔竄江境邊  
界最爲喫重百齡當嚴飭堵禦毋稍疎虞

十月十五日

戊申衡齡奏言竊臣遵

旨飛催張績帶兵赴太行山外防堵茲據該鎮調集

官兵一千名於十一日由省城陸續前進約計

十七八日可抵太行山外並恐隘口分歧不敷

防堵另於大同鎮屬各營添調兵一千名隨後

進發其潞安澤州二府屬與豫省接壤各隘口

臣於原調太原營防兵四百名之外又札致太

原鎮臣祥泰於平陽蒲州汾州等營內添調兵

五百名足資捍衛

同日富俊蘇青阿奏言竊臣等前次欽奉

諭旨挑備官兵赴豫協剿臣蘇青阿管帶齊齊哈爾

兵二百名作爲頭起於初八日起程派降調副

都統雲騎尉富登阿管帶墨爾根城兵一百名

布特哈兵一百名作爲二起於初十日啟程又

布特哈兵四百名作爲三起四起黑龍江兵一

金匱要略卷之九十一  
百名呼倫貝爾兵一百名作爲五起接續間日  
啟程令副都統銜總管達斯呼爾岱在末起催  
攢行走均騎本處馬匹由茂興站取道法庫邊  
門入山海關沿途趕緊行走不致遲誤均奏入

報

聞

十月十六日臣那彥成奏言竊臣於陝豫途次

疊奉

諭旨蒙

皇上指示機宜防賊西竄仰見

睿慮周詳曷勝欽服

臣遵

旨沿途查察並無西竄之信及馳抵衛輝提臣楊遇春備述連日在新鎮道口一帶躡探賊蹤小有斬獲其情形已經洞悉刻下賊匪大股仍在

伍山道口滑城一帶盤踞約計三萬餘人惟不知山東曹縣一帶及各處零星賊數若干此等烏合之衆原屬不難剿辦惟此時兵力不厚雖獲勝仗不能痛剿轉長賊智或得勝後兵力不能追殺淨盡亦恐賊勢蔓延計臣所調兵丁及高杞溫承惠所帶兵丁並火器健銳營官兵共一萬四千餘名合爲一隊實爲充裕至將來臣

追賊而東高杞應留本省必需分兵溫承惠既  
奉

旨駐守開州亦須帶兵則

臣

所餘之兵有限

臣

等再

四熟商高杞有兵五千餘名已足敷用至溫承

惠既奉

旨前赴北路應將該督原帶宣化正定兵二千名留

交馬瑜帶領協剿開州一帶賊匪溫承惠祇帶

兵二千名尚覺其單應再於就近地方酌調二

千名俾資堵剿

臣

處現在祇有兵丁五千五百

名不敷分剿請再調山西兵一千名防堵潞澤

山口將前調大同鎮兵一千名令其前來供征

計甘肅靖寧靖遠等處尚可挑得力精兵二千

名亦請迅速檄調統計

臣

一路必得一萬餘兵

賊合則合賊分則分方敷剿辦至吉林索倫兵

丁馳驟平原實爲得力仍請

皇上賞發來營痛剿一二仗即可掃蕩邪氛再現在  
所調各處馬隊共有四千五百名馬匹亦應籌  
備茲已於山西陝西直隸等處酌調數千匹以  
備更換臣一俟前調各兵陸續到來足敷進剿  
卽與高杞馬瑜楊遇春約會同時分路進剿務  
期一舉集事奏入

金史卷之五十四 紀四十一  
上命軍機大臣傳諭那彥成曰那彥成奏探明賊匪  
現在情形通籌全局一摺覽奏實深憤懣豫省匪  
徒屯聚滑縣道口桃源集三處前溫承惠於初八  
日在濬縣道口得有勝仗因其未能大加剿戮辦  
理遲延是以降旨褫革示懲乃那彥成於初八日  
已抵衛輝初十日接收欽差大臣關防十三日發  
摺時仍在衛輝駐劄並未至濬縣軍營茲該督奏

報情形乃云現有之兵不敷分剿請調大同鎮及  
甘肅靖寧靖遠等處之兵並欲俟吉林索倫兵陸  
續到齊方敷剿辦其言實屬畏葸遷延之至披覽  
未竟手顫心搖不料阿桂之孫負恩無能至於如  
此皆朕之罪吉林黑龍江官兵到齊約計總在十  
二月間甘肅距豫省遙遠其兵亦非剋期可至屆  
期冰雪在地天氣沍寒無論進剿不能得力且此

兩月中任賊匪盤踞蹂躪養精蓄銳該督等束手  
坐觀縱賊殃民自作孽矣况目下最好機會乃賊  
匪安踞滑城雖分佔村莊其巢穴總在數十里之  
內正如魚游釜中自守絕地若官兵日久不戰賊  
匪停留長智伊豈毫無偵探閱官兵日漸增多斷  
無延頸待戮之理或賊匪屯聚滑城日久食盡彼  
時悉其精銳豕突狼奔縱西面有兵堵禦而東北

南三面何處不可遁逃官兵再尾隨其後四散窮  
追其勢又如三省教匪辦理需時那彥成係屢經  
獲咎之人此次受朕厚恩授為欽差大臣畀以軍  
旅重任若老師糜餉使賊首李文成等遁出滑城  
日久稽誅該督自問當得何罪身家性命尚能保  
乎那彥成著先傳旨嚴行申飭楊遇春久歷戎行  
亦不應如此隨聲附和實屬可惡那彥成接奉此

旨著卽剋期進剿該處賊匪現分三處屯聚勢如  
犄角意圖牽制該督等或先剿道口桃源之賊則  
當派兵攔截滑城救援之路如欲攻滑城之賊則  
當將道口桃源二處分兵堵截其調遣機宜聽該  
督等自爲籌畫總期鼓勵將士奮勇進剿不得先  
示怯懦益長賊鋒經此次嚴諭之後那彥成若再  
心存延玩貽誤事機必立將那彥成拏問治罪另

派大員前往接辦卽不得其人朕當親統六師自往平賊彼時那彥成尚何顏立於人世耶至所奏宣化正定兵二千名交馬瑜帶回直隸邊界剿辦開州一帶賊匪此一節所奏甚是前已有旨諭知馬瑜富蘭令其迅速繞道前往其請調大同鎮兵一千名道路尚近准其檄調甘肅靖遠等處之兵遠不濟急不准調取日內京兵及直隸續調之兵

均已到齊那彥成等務儘現在兵力相機進取速  
奏捷音朕惟計日以待也

臣等謹按兵貴神速摧枯捲蘄之勢疾如風  
雨所謂先人有奪人之心迅雷不及掩耳者  
也賊匪佔據滑縣一月有餘蓄伏莽之奸肆  
滔天之孽我兵星馳雲集敵愾同仇當策其  
忠憤之忱收其精銳之用一鼓作氣聚而殲

旃方足以示聲威而彰誅殛乃那彥成於初  
八日抵衛輝後至十三日尚在彼駐劄未卽  
進兵猶以徵調爲請仰蒙

降旨嚴飭責其遷延嗣於十七二十等日又經連次  
訓諭俾知師不可老兵不在多奔突不可不虞散漫  
不可不慮停留則漸長賊智懈緩則適沮軍  
心一切天時地利兵勢賊情無不在

聖明指示之內

睿謨炳燭軍紀森嚴那彥成謹凜祇遵始無失誤是

誠緊要機宜

操勝算於全局者也

上又命軍機大臣傳諭同興曰現在大股賊勢均聚

集於河南滑縣及道口桃源三處據稱約有三萬

亟須痛加剿戮此時山東屯聚之賊如扈家集安

陵集等處業經次第掃除想官兵乘勝搜捕餘匪  
亦可計日肅清連日未據續有奏報著諭知同興  
如東省已無大股賊匪卽傳旨令蘇爾慎帶同巴  
圖魯侍衛並於那彥成派往東省之提督多隆武  
總兵閆俊烈二員內酌派一員挑帶勁兵一二千  
名由開州以北清豐以南前往會同馬瑜富蘭合  
兵向有賊處所自北而南實力搜剿毋使賊匪乘

間出沒牽制大兵後路其山東邊界仍著同興督同劉清馬建紀及沈洪等嚴密堵禦緊防賊匪竄向東南迎頭截擊毋稍疎虞

上又命軍機大臣傳諭馬瑜富蘭曰據章煦奏本月初八日開州井店鎮官兵移營之後被賊匪用礮攻打將該鎮佔據此股賊匪抄襲官兵後路不可不及早擒捕著馬瑜富蘭飛帶官兵前往殲除所

有剿賊情形卽著伊二人聯銜奏報不必與欽差大臣會銜致涉紆緩

同日

上諭內閣曰初彭齡叅奏順天府府尹等於已革之盧溝司巡檢陳紹榮先期中報林清謀逆一案含糊具奏請旨查辦一摺所奏甚是已革南路同知張步高著鎖拏審問其業經發遣之已革宛平縣

知縣陳鉅鏘著截拏鎖鑰解回交軍機大臣會同  
刑部提同陳紹榮秉公嚴審另行定擬具奏如該  
府尹等前奏不公一併據實查叅

是日董誥等會同刑部奏言

臣等遵

旨研訊董綱太令其將林清平日如何作惡及與林  
清交通謀亂之人逐一供吐據供我外祖林先  
本是紹興人移住大興縣黃村地方在巡檢衙

門充當書吏我舅舅林清於十七八歲時曾在  
京城藥鋪內做生意因生瘡被人攆逐就在順  
城門外打更後來我外祖已死林清卽充黃村書  
吏犯事革退旋又赴江南在糧道及丹陽縣衙  
門充當長隨又因得錢花銷不能存活受雇糧  
船短絳回到通州來宋家莊在我家借住又進  
京挑賣鵝鶉後來有西安門內光明殿地方姓

王的人家曾做過將軍的與他認識駁開雀鳥  
鋪他仍舊得錢混花致被攤出至嘉慶十一年  
方回我母親因我父親已故叫他住在家中料  
理家務是年五月董伯旺引他拜宋景耀爲師  
入榮華會那次卦教首本是郭潮俊十三年間  
因同會的陳茂林被陳茂功在保定府告發牽  
連杖責將坎卦頭目宋景耀宋景會劉呈祥俱

各充徒郭潮俊未能辦事讓林清做了教首從此與會內的陳爽相好彼時牛亮臣亦因躲避官司逃到保定府熟識以後我舅舅常往雄縣找劉進亭往固安找李五他二人都是坎卦頭目陳爽又引他姪兒陳文魁來見我舅舅來往甚密十六年二月我舅舅帶了支進財往滑縣找牛亮臣就認得了牛亮臣的聯襟馮克善並

馮克善的表兄李文成到四月間方回五月間  
又帶支進財往滑縣傳教收徒七月間回來九  
月間又帶同李得支進財往滑縣一次十月間  
回來說李文成是震卦馮克善是離卦他同馮  
克善離坎交宮他該做聖人馮克善該做天師  
同幫李文成做人皇他們三人結了弟兄相好  
得狠十七年正月又同陳爽陳文魁支進財前

往滑縣至清明前後回來十一月間李文成忽  
於黑夜來見舅舅說了些話本年正月馮克善  
也來見他告知收了徒弟三百人林清於七月  
間又同陳文魁陳爽支進財前往滑縣於八月  
十六回家二十日以後他同陳爽陳文魁上京  
見了太監劉得財高廣幅二人回來對劉呈祥  
說已經派定劉得財在東邊高廣幅在西邊九



紫禁城的近便所以我改了主意劉呈祥答應稱是十四日李得劉進亭都來說他們所帶的人都在黃村一帶住宿明早進京又聽見說陳爽陳文魁們都帶人先進京了十五日早上林清出門一次於早飯後回來十六早起祝林們回來同林清說了幾句話林清就悶坐一日到晚上叫劉幅受們打更並說倘河南有人來卽刻

告知十七黑早官人將他拏住的他素日總是  
勸人入教口能舌辨說能知道吉凶要人銀錢  
說是種福將來一倍還十倍人皆聽信給與他  
並不會武藝常說不動刀兵自有神仙之路他  
相好的除了陳爽們還有一個獨石口的都司  
曹綸稱呼曹三老爺說是漢軍人住在西單牌  
樓報子街路北成衣鋪西首我舅舅曾叫我送

炭到過他家的是我舅舅拜把子的兄弟有四  
十一二歲了他兒子曹幅昌曾帶一個將軍家  
裏的王姓來拜我舅舅為師等語奏入

上命步軍統領英和密拏曹幅昌嚴行審訊

欽定平定教匪紀畧卷十二

十月十七日煇步軍統領英和等奏言臣英和  
面奉

諭旨查拏獨石口都司曹綸之子曹幅昌當卽差派  
番役頭目等前往將曹綸長子敖爾布幅昌次  
子重慶拏到訊據幅昌供我係正黃旗漢軍劉  
愷佐領下敖爾布年二十三歲父親曹綸係獨

石口都司現在任所我母親楊氏現在京中我  
二弟重慶現充中營戰兵三弟鶴齡現在隨任  
四五年前我父親與林清季姓宋姓結盟認爲  
弟兄後我父親又與王提督家人王五結盟十  
六年三月我父親由

鑾儀衛治儀正陞任都司赴任後王五帶我到宋  
家莊林清家給林清磕頭認了師傅林清就教

給我真空家鄉無生父母八字我與王五就在  
林清家住了一夜我父親在京時林清曾到我  
家來過一次季姓也到我家來過一次我到林  
清家時林清叫我到季姓家去過宋姓也會到  
我家來過均未見著今年七月二十七日林清  
叫劉四給我送信說他們定於九月十五日造  
反叫我轉告王五九月初六日林清又叫劉

四給我白布一塊說十五日叫我在家不許出外如有人滋擾將白布繫在腰間或包在頭上口說暗號得勝二字就不殺了又叫我將這些話轉告王五十五日我在家並未出門實無一

同入

內的事至林清同黨的人有伊間壁的朱景會朱景耀新莊的賀老八賀四渾河南的張四鬍子

李五跟李五的二禿子桑堡村的李老李老的  
兒子爽大爺劉四的三個兒子俱是一黨又聽  
得劉四說山東河南滋事的人俱是他們的人  
古北口外還有他們的人又聽劉四說宣武門  
外鬪雞坑有三家東直門南小街有一家北小  
街路西頭一個煤鋪都是他們一教至我入林  
清的教及劉四給我白布的事我母親兄弟並

我女人子女俱不知道是實質之伊弟重慶堅稱實不知情應將幅昌同其弟重慶俱請

旨交刑部嚴審定擬其供出各犯該犯年幼不知詳細應請

勅交刑部查明是否業已被獲如尙在未獲併與現犯董綱太質問明確按名訪拏奏入

上命軍機大臣傳諭署直隸提督馬蘭鎮總兵福長

安曰獨石口都司曹綸現有應行質訊之事著福  
長安卽派委妥員將曹綸革職拏問嚴行鎖鑰迅  
速押解來京沿途小心看管勿稍疎虞福長安於  
該革員起解後卽將其任所貲財查抄並搜檢有  
無悖逆不法字跡據實具奏若有逆書經卷封固  
速奏其曹綸之子鶴齡現在任所一併鎖拏解京  
上諭內閣曰此次逆匪林清滋事案內究出有旗人

入教者照例定擬罪止遣戍其該旗都統等失察之咎從寬概未查辦今究出正黃旗漢軍敖爾布幅昌竟係入教與知逆情幅昌身係漢軍充當兵丁於七月間早知林清謀逆匿不舉首情罪尤重所有失察之該旗都統副都統等著軍機大臣查明在任年月開單具奏候旨其失察之叅領佐領等官著該部查取職名具奏候旨

上又諭內閣曰現在直隸河南山東地方皆有滋事  
逆匪各該督撫均有失察之咎已概從寬免究惟  
首逆林清近在畿甸潛蓄逆謀分遣黨惡擾及禁  
門該管大員漫無覺察其咎尤重是以將鄒炳泰  
降補中允贊善李鈞簡降爲編修溫承惠降授五  
品職銜溫承惠現在軍營辦理糧餉其鄒炳泰李  
鈞簡管理順天府地方尤爲切近不能再邀錄用

鄒炳泰李鈞簡俱著照所降品級休致令其回籍  
閉門思過

是日同興奏言查東省已無大夥賊匪惟直豫  
兩省正在進兵痛剿之時東明與曹州連界之  
處最爲緊要現在陳廣寧帶兵在彼堵截沈洪  
駐紮曹縣更可堵禦得力臣不時偵探如有應  
須接應之處仍就近分兵兜剿茲據叅將馬建

紀解到拏獲賊目曹光輝一犯訊據供稱係定陶縣人九月初十日在定陶滋事後二十三日徐安悃在滑縣差人叫去二十七日仍回山東現在豫省同教實係李文成爲首各處俱聽其號令滑縣城中是徐安悃掌管襄陽屯聚約有三千多人將西北南三門堵閉只開東門出入門內安大礮一座李文成現住城北五里地之

金瓶梅詞話卷一百一十二  
李家莊亦屯聚有二三千人稱李卦主徐安惘  
又聽李卦主號令聽得李卦主於九月初四日  
被滑縣強知縣拏去兩腿受了重刑初七日他  
們纔反的殺了強知縣劫出李卦主送至李家  
莊養病等語又拏獲曹縣扈家集賊目扈二胖  
子供詞大畧相同並稱伊在李家莊住了四五  
日李文成實在卧病不能動移現在滑縣賊衆

因官兵火器利害逃散甚多當將該二犯正法  
訖一面將曹光輝確供飛咨那彥成等查照正  
可趁李逆患病賊心渙散之時設法剿捕至東  
省零星逸匪有被官兵連次剿潰者有豫省殺  
敗逃竄者連日據各路將弁剿殺生擒無數徐  
州鎮總兵沈洪在曹縣一帶亦剿捕潛匿賊匪  
多人前將

恩旨贍黃之後卽連據曹縣定陶荷澤鉅野鄆城等  
各鄉民網送逸匪甚多卽直隸東明長垣亦有  
就近網送者臣俱派員研訊如實係夥同打仗  
並受有偽職者俱卽正法其被賊逼脅未經抗  
拒官兵者俱分別柳責省釋日來地方漸臻寧  
謐

同日章煦奏言臣據東明縣朱煒稟稱東省曹

定等處賊匪被剿逃竄經過該縣村莊當經丁  
役截住擒捕扎死七十餘人並奪獲車輛旗幟  
器械等物押送到縣將從逆賊犯訊明正法又  
大名府等稟報東明縣西北一帶滑縣小曲奈  
岡長垣南岳集春亭集各處賊匪不時侵擾其  
長垣所管之舊城於初十日被賊匪圍燒殺傷  
男婦數百人各等語現當軍務緊要之際理合

備陳又據藩司素納稟稱據河南衛輝府來稟  
山西澤州府知府王廷瑛赴陵川縣查口拾獲  
首呈並逆匪牛亮臣所寄陵川人王銀廣王泳  
年二人原信一封信內約同入夥反逆并加封  
號該府王廷瑛已將二犯拏獲審訊

同日方受疇奏言查現在各路官兵先後馳抵  
衛郡軍火兵糧正當喫緊之時臣一面札飭衛

輝局員河北道趙麟等源源撥運一面札飭省  
城總局隨時接濟先經藩司台斐音等撥司庫  
銀二十二萬六千兩同軍火等項運送河北現  
又派臬司諸以謙馳往衛輝將軍需事宜核定  
章程兼派道員崔景儀會同趙麟妥爲應付俾  
供支無缺亦不致濫應濫銷以歸核實所有兵  
糧一項查豫省前經奉

旨截留南漕四萬石分撥災區業經全數運抵楚旺  
水次除各州縣已領米三萬六千石外餘米四  
千石尙存該處查該處距濬縣一帶甚近應將  
此項米石先令運赴衛輝分局用濟急需又剿  
賊接仗全資馬力馱載軍裝必須健騾前經飭  
派本省各屬雇騾一千頭尙不敷用應請查照  
嘉慶元二等年軍需舊案

勅下山陝二省每處各買馬千匹並於山西省代買  
騾一千頭迅速解豫以濟要需再省垣重地原  
駐滿營撫標城守三營官兵除調赴軍營並派  
守城門及各署倉庫監獄外現存滿漢兵不足  
千名未免稍單前經飭令祥符縣知縣王祁召  
募勇丁一千三百名俱有身家可信團練技藝  
足資防守現在省城並各府州縣地方尙屬安

靜亦無土棍乘機煽惑之處可紓

宸廑均奏入

上命軍機大臣傳諭那彥成曰昨因那彥成辦賊遷延已降旨嚴行申飭責令迅速進兵本日同興奏報訊據現獲賊目曹光輝供稱該犯於九月二十三日往滑縣見徐安幗二十七日復回山東所有豫省賊匪實係李文成爲首滑縣城中是徐安幗

掌管連裹脅約有三千餘人其李家莊在城北五里卽李文成之家屯聚亦有二三千人徐安懶亦聽其號令李文成被滑縣強知縣拏去腿受重刑造反之後刦出現在李家莊養病等語又據賊目扈二胖子供稱伊在李家莊住了四五日李文成實在臥病不能動移並稱滑縣賊衆因官兵火器利害逃散甚多等語滑縣城中賊匪徐安懶手下

祇有三千餘人李文成在李家莊屯聚亦止二三千人計兩處之賊不過五六千人卽道口桃源二處再有屯聚者總亦不過萬人何以那彥成摺內云賊匪共有三萬人與同興所奏顯有不符明係屬員捏報現在那彥成所調及溫承惠高杞原帶之兵計已有萬餘人以之進剿何至棘手况官兵剿賊本不能兵數與賊數一一相當從前三省邪

匪多至數十萬人官兵不過數萬將賊股全行掃  
蕩豈必兵多於賊方能制勝乎本日又據章煦奏  
稱東省曹定等處賊匪被剿逃竄路過東明經該  
縣丁役截住擒捕扎死七十餘人並奪獲車輛旗  
幟等語可見賊衆不過烏合該縣丁役無多尙能  
殺賊多名焉有帶兵大員轉逡巡不進任聽賊匪  
屯聚蹂躪之理豈全不知羞恥自甘無能卑鄙極

矣著傳諭那彥成遵照昨降諭旨鼓勵將領弁兵  
相度機宜尅期進剿勿稍延緩其李文成一犯係  
極惡首逆賊黨悉聽其指使現旣因兩腿刑傷在  
李家莊養病正可乘其不能動移設法擒獲徐安  
惘亦係緊要賊目現在滑城若速將該二逆擒獲  
則賊心無不渙散定可一鼓殲除該二逆就獲之  
後若受傷不重仍著派委巴圖魯侍衛等管押解

京以便盡法處治用彰國憲

上又命軍機大臣傳諭同興曰東省賊匪經官兵連  
次痛剿之後境內已經廓清惟零星餘匪難免伏  
匿且直豫邊界正當官兵進剿之時尤恐竄匪逸  
入東境同興派總兵陳廣寧帶兵在東明曹州連  
界之處駐劄殊不可靠著另派得力將弁幫同防  
堵其沈洪帶兵駐劄曹縣可期得力所有東省與

直隸接壤之處俱責成同興率領劉清馬建紀哈  
哈岱等隨時策應設有賊匪潰向東南立即迎頭  
截擊勿任竄入此時大股賊匪均在豫省滑縣及  
李家莊等處而直隸長明開州一帶亦尚有散竄  
之賊除已降旨那彥成速即進兵認真剿辦外同  
興仍遵照昨旨派蘇爾慎等帶同巴圖魯侍衛由  
開州清豐之間遶道行走自北而南與馬瑜富蘭

合兵會剿不可遲延

上又命軍機大臣傳諭馬瑜富蘭曰昨降旨派馬瑜等二人帶兵遶回直隸邊境自北而南將開州長垣東明一帶賊匪逐一搜剿本日同興奏到訊據賊目曹光輝扈二胖子二犯皆供徐安憫現在滑城內掌管賊營連裹脅有三千餘人其李文成一犯因曾被滑縣知縣強克捷刑訊兩腿受傷至今

卧病李家莊不能動移該處亦有二三千人等語  
除已降旨令那彥成迅卽進兵將李文成徐安懼  
二人設法擒捕外馬瑜等在直隸邊境搜捕惟當  
遇賊卽剿設李文成徐安懼兩處賊匪被豫省官  
兵剿急奔潰北竄馬瑜等尤當奮勇堵截就地殲  
戮勿稍疎虞

上又命軍機大臣傳諭方受疇曰現在各路大兵雲

集潞滑一帶軍火糧餉關係緊要方受疇委員設  
局分投接濟並派臬司諸以謙馳往河北將軍需  
應行事宜核定章程妥爲應付所辦俱是至省城  
重地鎮撫尤要該撫以留省兵力稍單另行招募  
勇丁一千三百人分團防守亦應如此辦理該省  
南汝光一帶雖向有紅鬍子匪徒但現在滋事逆  
賊均係邪教非其同黨現在逆匪滋事之處係在

金匱要略卷之九十一  
三  
河北地方與直隸山東接壤未必與紅鬍子勾結  
該撫惟當認真防範勿令河北之賊過河竄擾其  
地方土棍嚴飭地方官加意彈壓所需採辦騾馬  
另諭朱勳衡齡等趕緊購辦送往

上又命軍機大臣傳諭衡齡曰方受疇奏軍營需用  
騾馬豫省無從購買著衡齡卽飭所屬查照歷辦  
章程挑買驢壯馬一千匹騾一千頭委員迅速解

赴衛輝交豫省軍需總局查收應用又本日據章  
煦奏據河南衛輝府稟稱山西澤州府知府王廷  
瑛赴陵川縣查口檢獲首呈並逆匪牛亮臣所寄  
陵川人王銀廣王泳年二人原信一封信內約同  
入夥反逆業經該府將該二犯拏獲審訊等語前  
此京中訊據林清供稱山西係于克敬前往傳教  
又據山東獲犯供稱山西係洋頭河南係洋肚山

東係洋尾等語此次牛亮臣潛通信息或係與晉  
省傳教之人勾結著衡齡卽提王銀廣王泳年二  
犯到省親加研鞫並向該二犯究問于克敬下落  
設法緝拏如訊明王銀廣等實係逆犯一面錄取  
供詞由驛具奏一面卽將該犯正法並飭屬加意  
防範無任乘間勾結

上又命軍機大臣傳諭朱勳曰方受疇奏軍營需用

馬匹較多豫省無從購買著朱勳卽飭所屬查照  
歷辦章程挑買應壯馬一千匹遴委妥幹員弁迅  
速解赴衛輝交豫省軍需總局查收應用

是日董誥等奏審明從逆案犯田馬兒等四十  
六名核其情節分別尤重次重又次重之不同  
開單呈

覽除田馬兒董惘太祝林屈四劉輦兒金黑李玉隴

七犯尙有應行質訊之處暫行監禁待質外請  
先將情罪尤重之趙密等十八名於十七日綁  
赴市曹凌遲處死其情罪次重又次重之劉五  
等二十一名及擬斬絞立決之陳亮等三名均  
於十八日綁赴市曹分別凌遲斬絞仍將續在  
甬子河撈獲賊屍二具剝屍同凌遲各犯一併  
梟首懸示其知情不首又聽從入教之顧五等

三犯及僅止入紅陽教之郎三等七犯與僅止  
入教之趙大卽文玉等二十犯均分別發遣新  
疆給額魯特及駐防官兵爲奴等因奏入得

旨趙密李老卽李懶有劉興禮卽劉三道劉得山劉  
二卽劉朝棟張老卽張自有李洪卽李士洪張泳  
瑞劉狗兒卽任幅兒高五麻盛章卽麻煥章李潮  
佐李蘭李六卽六禿子高老賀萬金俱著於本日

凌遲處死梟示劉五卽韓禿子王二格卽王有印  
李元隴張升卽張自聲王博李三卽李代榮佟大  
卽崇泳安李鳳全邊老卽邊富貴李明李士得閔  
七宋維銀田起金俱著於十八日凌遲處死梟示  
劉進才卽劉住兒高成任二卽任奉理三犯經逆  
匪等邀令助逆該犯等畏懼未經同行著改爲斬  
決梟示仍照例緣坐罪應斬決之陳亮罪應絞決

之郭潮俊朱進耀卽朱景耀俱著分別正法閔進  
喜張泳貴劉幅受董幅雲卽董伯營賀起雲祝秉  
仁六犯著與田馬兒等七犯均暫行監禁待質其  
發遣各犯永遠不赦如在配逃脫拏獲時卽行正  
法餘依議

董誥等又會同刑部奏言

臣等遵

旨將曹幅昌一犯提至當堂訊據供稱伊由王提督

家人王五引拜林清爲師入教王五曾說伊父  
曹綸亦經入教並與林清等會結拜弟兄及劉  
四給伊白布教給暗號等情屬實隨提出現在  
監禁應行正法及發遣人犯令曹幅昌逐一認  
識據該犯指稱董恂太賀起雲劉幅受卽劉三  
張泳貴卽伊所供跟李五之二禿子劉泳和係  
劉四之子均與認識其餘俱未見過訊之董恂

太賀起雲劉幅受劉泳和亦各供認與曹幅昌  
見過而張泳貴則稱並未識面復將已正法之  
各逆犯姓名指出向訊並未獲人犯內該犯認  
識何人令其一供吐據稱住小紅門外海戶  
季得全在騾馬市拉緯之宋三卽宋景隴王提  
督家人王五均係我父親把子弟兄我都認識  
此外劉四常與我家來往季得全本家哥哥季

得勇曾到過我家尙有爽大爺渾河南的李五  
桑堡村的李老同他的兒子俱會在林清家見  
過認識又聽得說賀老八賀四張四鬍子並劉  
四的三個兒子俱係林清同黨鬪雞坑三家南  
小街北小街二家記不清姓名我都未見過等  
語當提董懶太將曹幅昌所供人犯向其逐加  
詳訊據稱曹幅昌所供爽大爺卽陳爽李五卽

李得桑堡村只有陳老他兒子是陳文魁並無  
李老是他記錯的賀老八卽賀文升賀四卽賀  
起瑞張四鬍子卽固安張添升劉四卽劉呈祥  
他三個兒子係劉泳年劉泳德劉泳和至鬪雞  
坑三家一係閩正直一係高林氏卽林趙氏出  
嫁女均已入教一係開箔鋪的任大是否入教  
不能知道此外並未聞有李姓亦不知南小街

北小街入教之人查該犯供出認識各犯內董  
懶太張泳貴二名業經<sub>臣</sub>等先後奏明留質又  
賀起雲劉幅受二名係本日奏請凌遲之犯亦  
將該二犯暫行扣留質訊至曹幅昌供出未獲  
各犯行文各衙門一體嚴緝歸案審辦奏入

上從之

十月十八日<sub>辛亥</sub>慶惠奏言<sub>臣</sub>於十月初五日接

奉

諭旨挑備馬匹查大凌河牧廠現在實存驕馬七羣計一千二百四十匹當卽挑出臆壯者一千匹又在騾馬羣內挑選一千匹共二千匹就近牧放俟官兵到時更換其該官兵等原騎馬匹卽留大凌河牧廠喂養臣親往寧遠州一帶駐紮督率辦理不使遲滯

同日台斐音奏言竊臣欽奉

諭旨將被賊蹂躪州縣安爲撫綏迅速具奏臣查滑

濬二縣被賊蹂躪處所應俟賊匪平定方能挨

查村莊戶口奏懇

恩施惟現在被擾難民紛紛投避亟應搭棚收養請

照災賑之例大口日給米五合小口減半以銀

折給俾得餬口其隔屬難民俟事定賞送回里

期免褻脅而安善良均奏入報

聞

十月十九日壬董誥等查明失察曹幅昌習教  
黨逆之正黃旗漢軍都統祿康副都統裕瑞富

蘭叅

奏得

旨正黃旗漢軍都統副都統等失察兵丁曹幅昌從

金史卷之三十一 卷之三十一  
三三  
習邪教與知逆情非尋常踈懈可比裕瑞人本平  
常在任日久著革去副都統並兼任之前鋒統領  
世襲公爵賞給宗室四品頂戴以宗人府筆帖式  
用祿康富蘭俱著交部嚴加議處

同日貢楚克扎布奏言

臣前奉

諭旨解送保定馬匹當經親加挑選臚壯者二千匹  
備用馬五十匹烙具火印派員解往已於本月

初九日起至十一日止分次交納又准山海關副都統知會吉林官兵一千名將次進關臣當於挑備馬二千匹內先撥一千匹同備用馬二十五匹派委官兵卽日分起管解赴京交納其餘馬一千匹及備用馬二十五匹俟黑龍江官兵將次過關時以次解京奏入報

聞

十月二十日朕豫親王裕豐奏失察屬下閑散  
包衣從賊謀逆未能查拏請

旨治罪

上諭內閣曰豫親王裕豐所屬桑堡村居住之包衣  
閑散陳爽等黨惡多人率先肆逆於九月十五日  
在紫禁城內滋事裕豐平日形同木偶毫無知覺  
非尋常失察可比理宜革去王爵但念此爵係裕

豐之高祖多鐸由軍功所封著施恩免其革爵罰  
親王俸十年以示懲戒將此通諭各王及貝勒貝  
子公等嗣後各將所屬包衣佐領人等留心稽查  
倘有似此不守本分凶徒卽行拏報從重究辦斷  
不可姑容隱匿

臣等謹案賊匪糾衆行逆詭詐百端而時日  
既久夥黨繁多其謀亦不能甚祕是以桑堡

地方上年九月初間曾有祝現族人祝嵩山  
告知伊姪祝海慶向豫親王府中首報之事  
彼時裕豐備位親藩同

國休戚如果飛章馳告則逆情破露鉅案消弭豈  
復有九月十五日之事乃竟漠不動念誠如  
聖諭實屬罔顧大義是編所載十月二十日裕豐請  
罪一節祇以失察從逆爲詞而於祝海慶等

首告之處畧不之及其意向在避重就輕力  
圖掩飾我

皇上篤念宗親不忍存逆詐億不信之見猶且

推恩宥過僅予薄懲而裕豐昧義辜

恩理難倖免次年三月卒至情節敗露廷議奪爵究  
觀始末鑒戒昭然爲臣子者當知自勉於忠

赤矣

上又諭內閣曰本年九月十五日賊匪突入禁城一案爲從來未有之事雖渠魁業已就獲明正典刑而助逆從犯在逃者尙多步軍統領順天府五城肅清輦下是其專責近日並未能自行訪獲案犯以淨餘孽又墮因循疲玩惡習殊堪切齒憤恨卽刑部就獲犯內訊出姓名年貌飭交緝捕各犯如祝現劉呈祥董伯旺情罪尤重者迄今月餘亦未

緝獲實屬懈弛怠玩步軍統領順天府五城俱著  
傳旨嚴行申飭現在京城內外交順天府五城分  
別旗民編查保甲卽刻奉行若稍遲延治罪不恕  
並交步軍統領就所管地面實力稽查各該衙門  
務卽實心經理比戶嚴查遇有蹤跡詭異者卽切  
實盤詰俾奸宄無所容身以副除莠安良之治其  
王公滿漢文武大臣官員第宅衆多並著各自留

心查察凡給使人役內如有來歷不明形跡可疑者立即送官究治毋稍踈縱若視此旨爲具文因循不辦非朕之臣子矣

是日方受疇奏言十月十三日據委員在省城北關盤獲賊探實冠僞元帥李志茂及賊匪胡黑兒三犯臣提犯研訊緣李志茂籍隸封邱拜東明縣人王進道爲師從習邪教本年九月王

進道因見滑縣長垣教匪滋事卽自爲大頭目  
糾集二千餘人各將髮辮後頭髮剃去一結腰  
束白布爲記封李志茂爲僞元帥焚掠村莊搶  
奪殺人九月內在蘭陽北岸王林集遇見陳州  
營官兵打仗一次被殺二三百人逃回東明地  
方又遇直隸官兵打仗一次被殺傷二三百人  
退回關里集王進道因官兵鎗礮利害又知各

路官兵都到河北令李志茂帶領三十九人來  
汴梁一帶探聽糾人入夥如南岸兵勇不多卽  
渡河焚搶或投入滑縣賊營合夥約於十月十  
九日在省城東鄉陳家寨或於二十五六等日  
在北鄉天王寺前會齊如遇同夥不認識者則  
以拍掌爲暗號李志茂等慮人盤詰裝扮客商  
及乞丐模樣偷渡西岸分派王進高等十人赴

杞縣苗進忠等十人赴太康朱大能等十人赴  
鄆陵自與現獲之竇冠并未獲之李大家成等  
八人來省城一路探聽消息伊子李旺妮先隨  
竇冠潛赴陳州探聽存城兵數又潛來省城南  
關卽被盤獲提訊竇冠李旺妮供亦相同現將  
在逃之李大家成三十八人姓名籍貫年貌服  
色向該犯等逐一究詰明確分晰開單通飭查

拏一面飛咨溫承惠查明賊首王進道是否尙  
在東明縣關里集地方抑已投入滑縣賊夥分  
別剿辦又提訊胡黑兒據供稱係滑縣人被賊  
匪裹脅入夥用白布裹頭纏腰又用紅綢一條  
繫於衣扣以作暗記總頭目王姓散頭目陳姓  
不知是何名字聚有四五百人卽在本村紮營  
連次被官兵打敗殺傷二三百人總頭目王姓

知伊族叔胡添祥住居柘城縣磚莊會學拳棒  
令伊前赴勾結行至北岸卽被盤獲胡添祥並  
不知情亦非同教等情臣於審明後卽將該三  
犯綁赴市曹分別正法一面酌添兵勇在於省  
城教場勤加操演以壯聲勢而定民心再賊匪  
等被官兵剿殺自必逃竄以延殘喘賊營東界  
山東北界直省西界衛輝俱有重兵圍堵惟南

至省城一面兵力稍單時屆隆冬大河水淺溜  
平且慮冰堅可涉查北岸封邱考城兩處兵勇  
不多必須駐兵五六百名方可阻遏賊匪去路  
勿任偷渡黃河至南岸蘭陽爲渡口扼要之區  
距省九十里距漫口八十里與開歸陳許等處  
聲息相通若於此處駐兵一千名則南北俱有  
聲援東西皆可策應賊匪知有大兵庶不敢乘

間窺伺臣已咨明那彥成察核辦理奏入

上命軍機大臣傳諭方受疇曰賊目王進道被官兵  
剿敗之後膽敢分派多人潛赴開封省城及杞縣  
太康等處探聽消息欲乘間勾結竄赴南岸實屬  
奸詭可恨現在拏獲之李志茂等犯於審明後業  
經正法其供出分投糾夥各犯務須上緊查拏按  
名緝獲勿任一名漏網拏獲後並著詳細研究賊

匪等除現在豫境滋事外其他處地方有無潛往  
勾結並訊以京城內外地方除林清外尙有夥黨  
若干內中有無著名賊目糾衆指使之人訊有確  
供密速由驛具奏又據奏北岸封邱考城兩處存  
兵不多須分駐兵五六百名並南岸蘭陽須駐兵  
一千名之處賊匪狡譎伎倆難保不各處糾結且  
濬滑賊匪經官兵進剿之後尤恐四面潰散所有

南北兩岸附近省城地方關係緊要自應派兵堵截該撫現已知照那彥成派撥著卽照所奏妥速辦理該撫督率地方文武員弁加意防守毋稍踈虞

上又命軍機大臣傳諭那彥成曰那彥成自本月十六日奏報後今又數日並未續有奏報打仗之摺朕心日增煩懣本日復據方受疇奏省城北關地

方盤獲僞元帥李志茂供稱拜從東明縣人王進道習教王進道係大頭目糾集二千餘人焚掠滋擾因在蘭陽北岸王林集先被陳州官兵擊敗逃回東明又被直隸官兵擊敗現退回關里集屯紮該犯帶領三十九人潛來省城及杞縣太康鄆陵一帶分投探聽糾人入夥希圖渡河焚搶等語豫省賊匪言者皆以爲烏合之衆不難立時撲滅而

官兵總未上緊痛剿以致賊匪裹脅日多且賊匪  
蜂屯濬滑已踰一月並未旁竄正其無能之明驗  
大兵如奮勇攻擊何難聚而殲旃乃官兵遷延不  
進使賊停留長智賊匪遲一日剿除良民多一日  
擾累官兵多一日糜費今河南開封以南復有賊  
匪探聽窺伺是其奸計詭謀已有遁而四散之意  
那彥成全無天良猶復憤憤坐待遠調客兵縱賊

殃民是何肺腑現計直隸河南原調之兵并那彥  
成自調之兵以及京兵已不下萬餘豈有擁兵萬  
餘尙不能戰之理那彥成前於剿辦三省派爲叅  
贊卽大負委任從寬薄懲嗣經屢次棄瑕錄用今  
復委以軍旅重寄猶不感激奮勉冀圖自贖安坐  
衛輝玩視軍務負國辜恩已極尙得謂之稍有人  
心乎那彥成接奉前旨自己迅速進兵此時惟當

加倍奮勇將滑縣及道口桃源三處之賊迅速掃  
除早奏捷音尙可保全身家性命凜記在心勿謂  
朕虛言恐嚇也其王進道一股現在何處是否仍  
在關里集屯劄著一併派兵殲洗淨盡勿令四  
出勾結滋事現在軍營內如有拏獲賊犯并著詳  
細研訊伊等夥黨在京城附近地方者共有若干  
除林清外尙有何人著名爲首糾結訊有確供卽

由驛密速奏聞此一節更爲最要機宜汝若漫不  
經心非大清國之臣子也再本日方受疇奏河南  
省城一帶兵力單弱請於北岸封邱考城兩處分  
駐重兵五六百名以遏賊匪去路并請於南岸蘭  
陽添兵一千名駐守防範據稱已咨那彥成派撥  
等語賊匪窺伺無定南岸省城一帶關係綦重那  
彥成務須通盤計畫派兵防守毋稍大意